



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1513141

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

12 օգոստոսի 2021թ.

Բ. Երևան
(կազմման վայրը)

Ակտի հասցեագրեր

Ֆիզիկական անձ Հայկ Սուրենի Հարությունյան

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

Բ. Երևան, Նոր Նորքի 8-րդ գանգված, 25/21

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 28.06.2021թ. թիվ 1513141 որոշման հիման վրա ֆիզիկական անձ Հայկ Հարությունյանի նկատմամբ իրականացված օպերատիվ հետախուզական միջոցառումների (այսուհետ՝ ՀՕՀ) արդյունքում պարզվել է, որ վերջինս 2020թ-ի փետրվար ամսից մինչև 2021թ-ի մարտ ամիսը, պարբերաբար Ճապոնիայից ՀՀ տարածք է ներմուծել՝ հետագա վերանորոգման համար ոչ պիտանի, թեթև մարդատար ավտոմեքենաներ, որպես պահեստամասեր վաճառելու նպատակով, սակայն նշված տրանսպորտային միջոցները սահմանված ժամկետներում չեն ներկայացվել նշանակման մաքսային մարմին և չեն մաքսագերծվել: Հայկ Հարությունյանի կողմից ՀՀ տարածք է ներմուծվել ընդհանուր թվով 14 ավտոմեքենա, որոնցից թվով 10-ը ներմուծվել է իր կնոջ՝ Մարիամ Գևորգի Սաֆարյանի անվամբ: Ներմուծված ավտոմեքենաները Հայկ Հարությունյանի կողմից վաճառվել են որպես պահեստամաս, որից ստացված ձեռնարկատիրական եկամուտը կազմել է 3 542 400 ՀՀ դրամ:

Վերոնշյալ գործունեությունը Հայկ Հարությունյանը իրականացրել է առանց պետական գրանցման և հարկային մարմնում հաշվառման:

Վերոգրյալը հաստատվել է Հայկ Հարությունյանի և Մարիամ Սաֆարյանի կողմից 12.07.2021թ. ներկայացված գրավոր հայտարարություններով:

Թիվ 1513141 արձանագրությամբ 14.07.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 30.07.2021թ. նշանակված վարչական վարույթի լուսններին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության

արդյունքում Օրենսգրքով սահմանված կարգով հաշվարկված ձեռնարկատիրական եկամուտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Հայկ Հարությունյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացած ձեռնարկատիրական եկամուտը կազմում է 3 542 400 ՀՀ դրամ, որի 50%-ը կազմում է 1 771 200 ՀՀ դրամ, ուստի օրենսդրական պահանջից ելնելով Հայկ Հարությունյանի նկատմամբ կիրառելի է 1 771 200 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Հայկ Հարությունյանին գանձման առաջադրել 1 771 200 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (ՀՀ դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք ընդամենը, որից՝	1 771 200	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Սրացա ակտի մեկ օրինակը

Հայկ Հարությունյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտոնական պաշտոնի անձ՝ հարուկ առաքման դեպքում)



Ընդամենը 2 էջ

2021թ.

ստորագրությունը